

342	CRYOMAREX RISPENS	Registracija	Vakcina (1 doza = 0,2 ml): atenuirani virus Marekove bolesti, serotip 1, (soj Rispens) 10 ³ - 10 ⁴ PFU + diluent DILUMAREX	1 ampula sa 1000 doza+200 ml diluenta; 2 ampule sa 1000 doza +400 ml diluenta; 3 ampule sa 100 doza + 600 ml diluenta; 6 ampula sa 1000 doza +1200 ml diluenta; 7 ampula sa 1000 doza + 1400 ml diluenta; 9 ampula sa 1000 doza + 1800 ml diluenta; 1 ampula sa 2000 doza + 400 ml diluenta; 2 ampule sa 2000 doza sa 800 ml diluenta; 6 ampula sa 2000 doza + 2400 ml diluenta. Recept	"O" dana	perad	MERIAL Francuska	UP-I-06-2- 24/17-379/15	18. 03. 2015	18. 03. 2020.
343	OCUREV	Obnova registracije	Vakcina (1 doza =1 kap): <i>Brucella</i> <i>melitensis</i> (soj REV 1) 1-2 x 10 ⁹ EFU; Patent blue V (E131) 0,01 %	Kutij sa bočicom sa 50 doza) Bočica sa odgovarajućim rastvaračem i kapaljkom; Recept	"O" dana	ovce	CZ VETERINARIA S.A. Španija	UP-I-06-2- 24/17- 1528/14	25. 03. 2015	25. 03. 2020.
344	SIDERANEM 200	Registracija	Injekcijska solucija (1 ml): Željezo (III) joni 200 mg, u obliku gleptoflirona 532,6 mg	kutije sa staklenom bočicom od 100 ml; kutije sa 10 staklenih bočica od 100 ml; kutija sa LDP bočicom od 100 ml, kutija sa 10 LDP bočica od 100 ml; Recept	"O" dana	svinje	SERUMWERK BERNBURG A.G. Njemačka	UP-I-06-2- 24/17- 1659/14	18. 03. 2015.	18. 03. 2020.
345	ENROFLOXIN 15 mg	Registracija	Tablete (1 kom): enrofloksacina 15 mg	Kutija sa 100 tableta; Recept	"O" dana	psi, mačke	GOLASH PHARMA Bugarska	UP-I-06-2- 24/17-314/15	17. 03. 2015.	17.03. 2020.
346	FATROXIMIN intramamarna krema 100 mg/5 ml	Registracija	Intramamarna krema (1 injektor =5 ml): rifaximina 100 mg	Kutija sa 4 x 5 injektora (5 ml); kutija sa 12 injektora; kutija sa 60 injektora; Recept	"O" dana	krave i bivolice u zasiženju	FATRO SpA Italija	UP-I-06-2- 24/17- 2091/14	17. 03. 2015.	17. 03. 2020.

Spisak gotovih lijekova koji se upotrebljavaju u veterinarstvu kojima je na snazi odobrenje za stavljanje u promet u 2015. godini stupa na snagu danom objavljivanja u "Službenim novinama Federacije BiH".

Stupanjem na snagu gore navedenog Spiska stavlja se van snage Spisak gotovih lijekova koji se upotrebljavaju u veterinarstvu koji imaju odobrenje za stavljanje u promet u 2014. godini ("Službene novine Federacije BiH", broj 23/14).

Broj 06-2-24/2-/15 J.B.
29. juna/srpnja 2015. godine
Sarajevo

Ministar
Mr. sci. **Šemsudin Dedić**, s. r.

FEDERALNO MINISTARSTVO PROMETA I KOMUNIKACIJA

981

Na osnovu člana 110. stav 1. alineja 13. Zakona o cestama Federacije Bosne i Hercegovine ("Službene novine Federacije BiH", br. 12/10, 16/10-isp i 66/13), federalni ministar prometa i komunikacija donosi

PRAVILNIK O SISTEMU NAPLATE CESTARINE NA AUTOCESTAMA, BRZIM CESTAMA I OBJEKTIMA S NAPLATOM U FEDERACIJI BOSNE I HERCEGOVINE DIO PRVI - OSNOVNE ODREDBE

Član 1.

(Sadržaj i primjena pravilnika)

- (1) Ovim Pravilnikom utvrđuje se postupak obavljanja poslova naplate posebne naknade koja se može uvesti:
 - a) za upotrebu autoceste, brze ceste ili pojedinih objekata na javnoj cesti, ako na istom pravcu postoji alternativna javna cesta sa savremenim kolnikom;
 - b) za upotrebu mosta, vijadukta ili tunela sagrađenog radi skraćivanja trase postojeće javne ceste ako je omogućen javni saobraćaj na postojećoj dužoj trasi te javne ceste;
 - c) za upotrebu mosta sagrađenog radi povezivanja dviju javnih cesta preko rijeke ili kanjona.

- (2) Odredba stava 1. ovog člana primjenjuje se i na ceste i cestovne objekte za koje je izdana dozvola za korištenje (koncesija) i koji su izgrađeni sredstvima domaćih i stranih ulagača.
- (3) Pravilnikom se definiše sistem naplate cestarine, klasifikacija vozila i oslobađanje od plaćanja cestarine, finansijsko poslovanje, kao i druga pitanja koja se odnose na obavljanje poslova naplate cestarine na autocestama, brzim cestama i objektima s naplatom.

Član 2. (Cestarina)

- (1) Za upotrebu autoceste, i brze ceste plaća se cestarina u skladu sa članom 89. stav 1. i članom 93. stav 3. Zakona o cestama Federacije Bosne i Hercegovine ("Službene novine Federacije BiH", br. 12/10, 16/10-isp i 66/13) (u daljnjem tekstu: Zakon), te u skladu sa Uredbom o naplati naknade za korištenje autoceste A1 član 3. ("Službene novine Federacije BiH", br. 50/12, 45/13, 59/14, 77/14 i 99/14).
- (2) Sredstva ostvarena naplatom cestarine pripadaju upravitelju autoceste, brze ceste ili objekata sa naplatom, a u skladu sa članom 95. Zakona uplaćuju se u potpunosti na račun upravitelja.

Član 3. (Napлата cestarine)

- (1) Poslove naplate cestarine obavljaju zaposlenici upravitelja autoceste, brze ceste ili cestovnih objekata.
- (2) Naplata cestarine obavlja se svakodnevno, neprekidno od 0 do 24 sata.

DIO DRUGI - SISTEM NAPLATE CESTARINE**Član 4.****(Sistemi naplate)**

- (1) Sistem naplate cestarine može biti organiziran kao zatvoreni ili otvoreni sistem naplate.
- (2) Korisnik autoceste, brze ceste ili cestovnih objekata (u daljnjem tekstu: korisnik) u zatvorenom sistemu naplate cestarine, funkcijski gledano, razlikuje ulaznu i izlaznu naplatnu stanicu.
- (3) U otvorenom sistemu naplate naknade, naplatna stanica je istovremeno i ulazna i izlazna.

Član 5.**(Obavijesti o naplati)**

- (1) Na svim naplatnim stanicama u vidnom polju vozača mora biti istaknut cjenovnik s propisanim iznosima cestarine za sve klase vozila, u skladu sa članom 2. ovog Pravilnika, obavijesti o obavezi izdavanja i uzimanja računa, te prikaz klase vozila.
- (2) Ukoliko je vozilo oslobođeno plaćanja naknade treba biti naznačeno na vjetrombranskom staklu.

DIO TREĆI - KLASIFIKACIJA VOZILA**Član 6.****(Klasifikacija vozila)**

- (1) Klasifikacija vozila po klasama za koje će biti jedinstvena cijena plaćanja cestarine je izvršena u četiri klase i to:
 - a) Klasa 1:
Dvoosovinska vozila s visinom mjerenom na prvoj osovinu manjom od 1,3 m (motocikli, osobna vozila registrirana do 7 sjedišta, i laka dostavna vozila čija je dozvoljena nosivost do 850 kg).
 - b) Klasa 2:
Vozila s dvije ili više osovine i visinom mjerenom na prvoj osovinu 1,3 m ili više (visina vozila iznad prve osovine je udaljenost od tla i najviše tačke vozila u ravlini koja je pravokutna u odnosu na tlo i prolazi kroz osovinu prednjih točkova), a spadaju laka dostavna vozila čija je dozvoljena nosivost preko 850 kg, kombi vozila-višenamjenska vozila, osobna vozila sa prikolicom, karavani s visinom 1,3 m ili više na prvoj osovinu i laka dostavna vozila čija je dozvoljena nosivost do 850 kg sa prikolicom karavanom, dvoosovinska vozila kao što su kombi vozila bez prikolice, vozila najveće dozvoljene mase do 3.500 kg i vozila registrirana preko 7 sjedišta.
 - c) Klasa 3:
Vozila s dvije ili tri osovine i visinom mjerenom na prvoj osovinu većom od 1,3 m (laka dostavna vozila čija je dozvoljena nosivost preko 850 kg sa prikolicom karavanom, kamioni sa ili bez prikolice, sa ukupno dvije ili tri osovine, karavani s visinom većom od 1,3 m na prvoj osovinu, kombi vozila sa prikolicom ili karavanom sa ukupno tri osovine, autobusi bez prikolice sa dvije ili tri osovine, vozila najveće dozvoljene mase preko 3.500 kg, vozila registrovana preko 9 sjedišta).
 - Klasa 4:
Vozila sa četiri ili više osovine i visinom mjerenom na prvoj osovinu većom od 1,3 m (kamioni sa ili bez prikolice sa četiri ili više osovine, tegljači sa poluprikolicom, autobusi sa ili bez prikolice sa četiri ili više osovine, kombi vozila sa prikolicom ili karavanom sa ukupno četiri ili više osovine, vozila najveće dozvoljene mase preko 3.500 kg, vozila registrirana preko 9 sjedišta).

- (2) Odnos cijene cestarine za navedene klase vozila se utvrđuje kao $K1:K2:K3:K4=1:2:3:4$.
- (3) Svi eventualni naknadni opisi klasifikacije vozila definisat će se internim aktima preduzeća.

DIO ČETVRTI - OSLOBAĐANJA OD PLAĆANJA CESTARINE**Član 7.****(Oslobađanje od naplate cestarine)**

- (1) U grupu vozila oslobođenih od plaćanja cestarine uključeni su:
 - a) vozila crvenog krsta, na osnovu člana 19. stav 1. tačka 4. Zakona o crvenom krstu Federacije Bosne i Hercegovine ("Službene novine Federacije BiH", broj 28/06) -samo za vozila sa obilježjem crvenog krsta,
 - b) vozila oslobođena na osnovu ugovora koje je Vijeće ministara Bosne i Hercegovine i Vlada Federacije Bosne i Hercegovine zaključila sa međunarodnim institucijama - samo za EUFOR i NATO,
 - c) vozila pomoći na cesti uz predočenje identifikacijske legitimacije, samo za slučaj intervencije na autocesti i broj cesti-samo uz prethodnu najavu COKP,
 - d) vozila oružanih snaga Bosne i Hercegovine-samo za vozila sa registarskim oznakama oružanih snaga,
 - e) vozila invalidnih lica sa 80% ili više procenata tjelesnog oštećenja, odnosno lica kod kojih postoji tjelesno oštećenje koje ima za posljedicu invalidnost donjih ekstremiteta od 60% ili više - samo za fizička lica za jedno vozilo u vlasništvu istog i to samo za vozila I kategorije,
 - f) vozila civilne zaštite - samo za vozila sa obilježjem,
 - g) ambulantna- sanitetska vozila - sva vozila sa oznakom M1 i SC,
 - h) vozila Ministarstva unutarnjih poslova - samo za vozila sa oznakom "policija", dok su sve ostale agencije i institucije MUP-a dužne obezbijediti TAG uređaje, kako bi obezbijedili slobodne prolaze,
 - i) vatrogasna vozila - samo specijalna vozila sa obilježjem,
- (2) Vozila upravitelja ne plaćaju cestarinu, ali se na ostvareni promet prolaza vozila obračunava i plaća PDV u skladu sa propisima o PDV-u.
- (3) Iznos PDV-obaveze, upravitelj je obavezan obračunati i platiti za sva vozila koja su oslobođena plaćanja cestarine članom 98. Zakona.

Član 8.**(Postupak oslobađanja od plaćanja cestarine)**

- (1) Pravna i fizička lica za ostvarenje prava na oslobađanje od plaćanja cestarine na autocestama, brzim cestama i objektima s naplatom u Federaciji Bosne i Hercegovine, upravitelju podnose zahtjev koji treba da sadrži:
 - a) za vozila invalida:
 - 1) zahtjev za oslobađanje od plaćanja cestarine,
 - 2) ovjerenu kopiju Rješenja nadležnog organa o procentu tjelesnog oštećenja, s revizionom klauzulom pravosnažnosti,
 - 3) ovjerenu kopiju vozačke dozvole,
 - 4) ovjerenu kopiju prometne dozvole, potvrde o registraciji vozila ili potvrde o vlasništvu vozila,
 - b) vozila udruženja osoba sa invaliditetom:
 - 1) ovjerene kopije Rješenja resornog ministarstva ili Rješenja o upisu u sudski registar,
 - 2) obavještenje o razvrstavanju poslovnog i drugog subjekta prema djelatnosti,
 - 3) ovjerenu kopiju prometne dozvole, potvrde o registraciji vozila ili potvrde o vlasništvu vozila.

- c) Ostala vozila:
- 1) sva druga vozila uz zahtjev za oslobađanje od plaćanja cestarine dostavljaju ovjerenu kopiju prometne dozvole, potvrde o registraciji vozila ili potvrde o vlasništvu vozila.
- (2) Oslobađanje od plaćanja cestarine za invalidne osobe može se ostvariti samo za jedno vozilo u vlasništvu invalidne osobe.

Član 9.

(Rješenje o oslobađanju od plaćanja cestarine)

- (1) Na osnovu dostavljene dokumentacije iz člana 8. ovog Pravilnika, upravitelj izdaje Rješenje o oslobađanju od plaćanja cestarine, na autocestama, brzim cestama i objektima s naplatom u Federaciji Bosne i Hercegovine i to u trajanju od 1. godine dana od dana donošenja Rješenja.
- (2) Načini i vrste elektronskih medija koji će pratiti Rješenja o oslobađanju od plaćanja cestarine na autocestama, brzim cestama i objektima s naplatom u Federaciji Bosne i Hercegovine, definisat će se internim aktima preduzeća.

DIO PETI - NAPLATA CESTARINE

Član 10.

(Zatvoreni sistem naplate)

Postupak obavljanja poslova naplate cestarine u zatvorenom sistemu naplate obavlja se na sljedeći način:

- a) na ulaznoj naplatnoj stanici korisnik ulazi u ulazni trak, uzima magnetnu karticu iz uređaja za magnetne kartice, rampa se nakon uzimanja kartice automatski podiže i omogućava korisniku ulaz na autocestu ili brzu cestu,
- b) na izlaznoj naplatnoj stanici blagajnik će upisati u PC blagajnu pripadajuću klasu vozila, od korisnika će uzeti magnetnu karticu te istu ubaciti u čitač magnetnih kartica, PC blagajna na osnovu klase vozila i magnetne kartice određuje cijenu koju korisnik treba platiti, blagajnik će u PC blagajnu upisati vrstu i iznos primljenih sredstava plaćanja ili besplatan prolaz, a korisniku će izdati račun iz PC blagajne ili potvrdu.

Član 11.

(Otvoreni sistem naplate)

Postupak obavljanja poslova naplate cestarine u otvorenom sistemu naplate obavlja se na sljedeći način:

- a) po dolasku vozila na naplatno mjesto, blagajnik će u PC blagajnu upisati pripadajuću klasu vozila, vrstu i iznos primljenih sredstava plaćanja ili besplatan prolaz, korisniku izdati račun iz blagajne ili potvrdu o besplatnom prolazu, a rampa se automatski podiže po obavljenoj naplati,
- b) za vozila oslobođena od plaćanja cestarine blagajnik će kontrolisati registracijsku oznaku vozila i osnovu oslobađanja, te u istu PC blagajnu upisati osnovu oslobađanja i registracijsku oznaku vozila.

Član 12.

(Sredstva plaćanja)

Sredstva plaćanja cestarine su: konvertibilna marka (KM) gotovina, efektivni strani novac, sredstva preplate i bankovne kartice.

Član 13.

(Kontrola naplate)

- (1) Upravitelj autoceste, brze ceste i objekta sa naplatom je dužan organizovati kontrolu rada sistema naplate u cijelosti.
- (2) Upravitelj autoceste, brze ceste i objekta sa naplatom će donijeti Uputstvo o kontroli naplate cestarine, kojim će biti uređena ta oblast.

DIO ŠESTI - PRELAZNE I ZAVRŠNE ODREDBE

Član 14.

(Preispitivanje izdatih Rješenja)

Upravitelj je dužan, u skladu sa ovim Pravilnikom u roku od tri mjeseca preispitati sva izdata Rješenja o oslobađanju od plaćanja cestarine i ona koja nisu u skladu sa Pravilnikom staviti van snage.

Član 15.

(Prestanak važenja)

Stupanjem na snagu ovog pravilnika prestaje da važi Pravilnik o sistemu naplate cestarine na autocestama, brzim cestama i objektima s naplatom Federacije BiH ("Službene novine Federacije BiH", br. 69/10, 29/11, 76/13 i 52/14).

Član 16.

(Stupanje na snagu)

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 08-02-2-807-4/15

Jula 2015. godine
Mostar

Ministar
Denis Lasić, s. r.

Na temelju članka 110. stavak 1. alineja 13. Zakona o cestama Federacije Bosne i Hercegovine ("Službene novine Federacije BiH", br. 12/10, 16/10-isp i 66/13), federalni ministar prometa i komunikacija donosi

PRAVILNIK

O SUSTAVU NAPLATE CESTARINE NA AUTOCESTAMA, BRZIM CESTAMA I OBJEKTIMA S NAPLATOM U FEDERACIJI BOSNE I HERCEGOVINE DIO PRVI - OSNOVNE ODREDBE

Članak 1.

(Sadržaj i primjena pravilnika)

- (1) Ovim Pravilnikom utvrđuje se postupak obavljanja poslova naplate posebne naknade koja se može uvesti:
 - a) za uporabu autoceste, brze ceste ili pojedinih objekata na javnoj cesti, ako na istom pravcu postoji alternativna javna cesta sa suvremenim kolnikom;
 - b) za uporabu mosta, vijadukta ili tunela sagrađenog radi skraćivanja trase postojeće javne ceste ako je omogućen javni promet na postojećoj dužoj trasi te javne ceste;
 - c) za uporabu mosta sagrađenog radi povezivanja dviju javnih cesta preko rijeke ili kanjona.
- (2) Odredba stavka 1. ovog članka primjenjuje se i na ceste i cestovne objekte za koje je izdana dozvola za korištenje (koncesija) i koji su izgrađeni sredstvima domaćih i stranih ulagača.
- (3) Pravilnikom se definiše sustav naplate cestarine, klasifikacija vozila i oslobađanje od plaćanja cestarine, finansijsko poslovanje, kao i druga pitanja koja se odnose na obavljanje poslova naplate cestarine na autocestama, brzim cestama i objektima s naplatom.

Članak 2.

(Cestarina)

- (1) Za uporabu autoceste i brze ceste plaća se cestarina sukladno članku 89. stavak 1. i članku 93. stavak 3. Zakona o cestama Federacije Bosne i Hercegovine ("Službene novine Federacije BiH", br. 12/10, 16/10-isp i 66/13) (u daljnjem tekstu: Zakon), te sukladno Uredbi o naplati naknade za korištenje autoceste A1 članak 3. ("Službene novine Federacije BiH", br. 50/12, 45/13, 59/14, 77/14 i 99/14).